



Dijana wen dei dumbat test langa yu Serbik bla yu Hau bla dumbat yu ronwan test

Ebri faib yiya yu garra abumbat test langa yu Serbik. En dijana im friwan langa AMS o ACCHO en im gin seibum bla yu laif.


Dijana dei garra shoum yu hau bla dumbat miselp bla pudum det longwan pleistik stik insaid la yu pribat pat en dijana bla album stopum det siknis dei kolum Serbikal kanser. En yu gin sidan longtaim strongbala blanga yu femili en bla yu.




1. Bla yu dokta o nurs garra gibit yu det longwan pleistik stik bla dum miselpwan. En wan pribat pleis bla yu bla dumbat det test. Dei garra sidan gulijap la yu, maitbi yu nid sombodi bla albumbat yu garram det test.



2. Bifo yu opin det tube, yu luk insaid wei bla det longwan pleistikwan stik. Det endpat weya yu garra holdimbat im garra (redwan kala). La det najawan said yu garra yusum tharran na bla dumbat la yu test.



3. Yu garra twistimbat, det lidpat bla deigimaut det longwan pleistik stik brom det tube. Meikso yu nomo tatjimbait det endpat weya im garra gowin insiad langa yu munga.




4. Yu garra twistimbat, det lidpat bla deigimaut det longwan pleistik stik brom det tube. Meikso yu nomo tatjimbait det endpat weya im garra gowin insiad langa yu munga.

Yu pudum lilbit nomo raid insaid and gulijap langa yu Servik.



5. Yu mubum det stik insaid ebriweya blanga 10 du 30 sekond.



6. Den deigmat det pleistik longwan stik brom yu munga en pudum bek im langa det tube en klosimap.



7. Werrimon yu klos en gibit det tube langa yu dokta en nurs. Meikso yu dalim olabat weya bla sendim bla yu resalts.

If yu garra eni kwestjan mob o yu jinggabat yu bin meigim misteik yu tok langa det dokta o nurs mob.

If yu wandi mowa informeishan bla dijan serbikal screening:

- Visit Dijan websait:

health.gov.au/NCSF-First-Nations

- Call dijan: **1800 627 701**

Dijan ola mein kwestjan mob bla serbikal screening



Wanim dijan Serbikal Testing blanga?

Dijan test im lukaran bla HPV. Dijan siknis im easiwan blanga katjim.

HPV gin sidan insaid langa yu bodi bla longtaim en so yu gin abum HPV eben if yu bin abum wanbala partner bla long long taim o marti if yu nomo abumbat seks enimo.

Det Serbikal Testing gin katjim det HPV irlipat bifo im meigim miselp laika kenser.

Wanim det test garram det longwan plestikwan stik im kaan ardambat wen wi dumbat det test?



Det test weya yu garra dum miselpwan im yusum thinwan en softwan swab det yu oni nid du pudum insaid 4 du 5 cm langa yu munga. Sambala wuman mob faindim dijan du bi gudwan blanga olabat.

If yu filim pein, dalim ola klinik mob werker.

If yu bin filim miselp differen bifo yu nekswan Sebikal Testing yu larram yu klinik mob weker sabi.

If yu garra filim myself diffren marti afta yu abum seks, maitbi yu garra abum lilbit bliding wen yu nomo redibala bla abum det wumin's bisnis blanga yu o afta menopause.

Hu mob nid bla dum det Serbikal screening?



Ola women en ola pipul langa det age brom 25 du 74 hu bin abum seks bifo, olabat garra abum Serbikal Testing ebri 5 yiya.

Wanim det test im truwan garra rait infemeisan?



Yuwai. Det test wen yu dum miselpwan en seifwan en truwan samwei laik det health care werker mob dei dum bla lukaraunbat det HPV.

Det test im friwan?



If yu dum bla yu Serbikal test langa Aboriginal Health Centre, im friwan.

If yu dum test eniweya else, det test gin bi peid garra Medicare bat dei mait askim yu blanga peiyim blanga det tjekap (consultation) yu gin tjek wen yu bookim if dei garra tjargim yu sambala mani.

Wanim det test weya yu dum miselpwan im pribatwan? Wanim bla if ai wandi sombodi bla album mi?



Yuwai, yu gin dum det test miselpwan langa pribat (aria laik yu gin dum langa bathrum o behind langa kurtin). Yu gin askim yu health care weker blanga album yu enitaim.

If det test shoum ai garra HPV?



Somtaim det HPV dei kaan faindim en yu garra gobek langa yu nekswan Serbikal Testing lang 5 yiya taim.

If dei faindim HPV langa yu test yu garra lafta:

- kambek blanga semple brom yu Serbik o
- dei mait sendim yu langa speshalwan dokta blanga mowa testing.

Aibin abum det HPV nidle, wanim ai garra stil abum det test?



Yuwai. Det HPV nidle nomo protektim langa najalot diferen HPV det gin meigim kensa.